

**Muaj nees nkaum plaub lub rooj nyob ncig lub rooj ntawd. Muaj nees nkaum plaub leeg txwjlaus hnav tsoostsho dawb thiab ntoo kauj kub, lawv zaum saum cov rooj ntawd.**

Tomqab ntawd kuv pom lub Ceebtsheej thiab lub ntiajteb tshiab. Thawj lub ntuj thiab thawj lub ntiajteb twb yaj tas lawm, thiab dej hiavtxwv yaj tas ib yam nkaus.

**Thiab kuv pom Vajtswv lub nroog. Lub ntawd yog lub nroog Yeluxalees tshiab uas tabtom los ntawm Vajtswv tus uas nyob saum ntuj Ceebtsheej los. Luag twb tu lub nroog ntawd txhij cia lawm ib yam li tus nkaujnyab tu cev tos tus nraug vauv.**

Kuv hnov ib lub suab hais nrov nrov ntawm Vajtswv lub rooj zaum tuaj hais tias, nimno Vajtswv twb los nrog neeg nyob lawm. Nws yuav nrog lawv nyob, lawv yuav yog nws haivneeg. Nws yuav nrog lawv ua ke thiab yuav yog lawv tus Vajtswv.

**Nws yuav so lawv tej kua muag huv tibi mus. Yuav tsis muaj kev tuag, tsis muaj kev nyuajsiab, tsis muaj kev quaj ntsuag thiab tsis muaj kev mob, kev nkeeg ib zaug li lawm. Tej uas sawvdaws ib txwm muaj los twb yaj tag lawm.**

Vajtswv tus Ntsujplig los tshoov kuv lub siab, cais tus tubtxib ntawd txawm koj kuv mus puag saum ib lub hauvroob siab siab. Nws taw tes qhia lub nroog Yeluxalees uas yog Vajtswv lub nroog rau kuv saib. Lub nroog ntawd tabtom los ntawm Vajtswv tus uas nyob saum ntuj Ceebtsheej los.

**Vajtswv lub hwjchim ci ntsa iab hauv lub nroog tuaj. Lub nroog ntawd ci ib yam li lub hlaws dajdub, lub hlaws ntawd pomkev tshaj plaws ib yam li tej hlaws iav.**

Kuv tsis pom muaj ib lub tuamtsev twg hauv lub nroog ntawd kiag li, rau qhov tus Tswv uas yog tus Vajtswv muaj hwjchim loj kawg nkaus, thiab tus menyuum yaj twb yog lub tuamtsev ntag.

**Txhua haivneeg taug kev kajnrig mus mus los los, thiab tej vajntxwv hauv ntiajteb yuav nqa lawv tej nyiajtxiag thiab qhov txhiachaw tuaj rau hauv lub nroog.**

Tsis muaj tej uas Vajtswv foom tsis zoo rau lawm nyob hauv lub nroog hlo li. Lawv yuav pom nws lub ntsejmuag, thiab nws yuav sau nws lub npe rau ntawm lawv hauvpliaj. Yuav tsis muaj hmo ntuj li lawm.

**Lawv yuav tsis taws teeb thiab tsis tas yuav muaj duab tshavntuj, rau qhov tus Tswv uas yog Vajtswv yog tshavntuj ci rau lawv pomkev. Lawv yuav ua vajntxwv kav mus ib txhis (Tshwmsim 4:1-4; 21:1-4,10,,22-24; 22:3-5)**